



PROKURORIA E PËRGJITHSHME
Nr. 68/59 Prot.
Datë 05.07.2021
DREJTORIA Koordin. Studh.

REPUBLIKA E SHQIPËRISË
PROKURORIA PRANE GJYKATES SE APELIT VLORE

Nr. 604 Prot.

Vlore me 07.07.2021

L e n d a : Dergohet Raporti “Mbi veprimtarine e Prokurorise se Apelit Vlore per Vitin 2020”.

Drejtuar:

PROKURORISE SE PERGJITHSHME

Sektorit te Koordinimit dhe Studimeve ,

Z.Kujtim LULI

TIRANE

Bashkelidhur , dergojme edhe ne forme shkresore Raportin “Mbi veprimtarine e Prokurorise se Apelit Vlore per Vitin 2020”.

Duke ju falenderuar per bashkepunimin.

DREJTUESI I PROKURORISE

ERION ÇELA





REPUBLIKA E SHQIPËRISË

PRANË GJYKATËS SË APELIT ME JURIDIKSION TË PËRGJITHSHËM
V L O R Ë

R A P O R T

MBI VEPRIMTARINË E PROKURORISË SË APELIT VLORË
PËR VITIN 2020

Objekti: Raportimi mbi treguesit kryesorë të punës dhe përmbushjen e detyrimeve të tjera ligjore të Prokurorisë së Apelit Vlorë, për vitin 2020.

Raportuesi: Drejtuesi i Prokurorisë së Apelit Vlorë.

Baza ligjore : Neni 50/2 i Ligjit nr. 97 / 2016, "Per organizimin dhe funksionimin e Prokurorisë ne Republikën e Shqipërisë".

Drejtuar : Prokurorit te Përgjithshëm të Republikës së Shqipërisë,
Z. Olsian ÇELA

TIRANË

I nderuar z.Prokuror i Përgjithshëm,

Nëpërmjet këtij materiali dhe bazuar në parashikimet e nenit 50/2, të ligjit nr. 96 / 2016, "Për organizimin dhe funksionimin e Prokurorisë në Republikën e Shqipërisë", Prokuroria pranë Gjykatës së Apelit me Juridiksion të Përgjithshëm Vlorë, Ju paraqet këtë material analitik mbi treguesit kryesorë të punës së kryer gjatë vitit 2020 nga personeli i kësaj zyre, në përfaqësimin e akuzës në çështjet e ankimuar në Gjykatën e Apelit Vlore, si dhe në zbatimin e detyrimeve të tjera të parashikuara në ligj dhe aktet nënligjore.

PËRFAQËSIMI I AKUZËS NË GJYKIM DHE PËRMBUSHJA E DETYRIMEVE TË TJERA LIGJORE.

Gjatë vitit 2020, nga i gjithë personeli i Prokurorisë së Apelit Vlorë është treguar kujdesi i nevojshëm për përmbushjen e detyrimeve ligjore në përfaqësimin e akuzës gjatë gjyqimit në apel por, gjithashtu edhe për zbatimin e detyrimeve të tjera ligjore, sikurse do të analizohen më hollësisht në vijim.

1.1. Lidhur me **përfaqësimin e akuzës** gjatë gjyqimit në apel dhe në drejtim të **respektimit të afateve** ligjore, gjatë vitit 2020 nga Prokuroria e Apelit Vlorë, janë respektuar me korrektesë detyrimet e ligjit procedural penal, si dhe urdhërat dhe udhëzimet e Prokurorit të Përgjithshëm, për respektimin e afateve në shqyrtimin e çështjeve të ankimuar.

Sa më sipër kryesisht, por jo vetëm, për :

Prezencën e prokurorëve në të gjitha seancat gjyqësore në gjykatën e apelit, si për çështjet e themelit, për masat e sigurimit apo ankimet e vecanta, duke respektuar solemnitetin dhe etikën në gjykim.

Për nxjerrjen në kohë të urdhërave të ekzekutimit në zbatim të vendimeve të gjykatës së apelit, dërgimin e vendimeve penale në prokuroritë e rretheve gjyqësore kompetente, ushtrimin brenda afateve ligjore të së drejtës së rekursit në gjykatën e lartë, si dhe njoftimin e këtij akti edhe drejtorisë gjyqësore në Prokurorinë e Përgjithshme.

Gjatë kësaj periudhe kohore nuk ka patur raste të moszhvillimit të seancave gjyqësore për shkak të mungesës për arsye joobjektive të prokurorëve, apo vonesa të tjera.

Gjithashtu nuk ka patur asnjë rast gjatë vitit 2020 që ndaj prokurorëve, apo punonjësve të tjerë të prokurorisë së Apelit Vlorë, të jetë inicuar procedimi disiplinor apo të jenë marrë masa disiplinore nga organet kompetente sipas ligjit, për shkaqet e përmendura më sipër.

1.2. Gjatë kësaj periudhe kohore, ka qenë në vëmendjen e prokurorëve respektimi i parashikimeve të **rezolutës së Kuvendit të Shqipërisë** dhe planit të veprimit në zbatim të saj, zbatimi i **rekomandimeve të Këshillit të Ministrave**, si dhe **udhëzimeve të Prokurorit të Përgjithshëm** për luftën kundër kriminalitetit, në drejtim të kërkimeve penale në gjykimin e çështjeve në Gjykatën e Apelit Vlorë, në fokus të atyre rekomandimeve dhe udhëzimeve.

1.3 Përmbajtja e atyre akteve, përveçse është shpërndarë tek cdo prokuroror, është punuar edhe në mbledhje të përbashkëta të prokurorëve të kësaj zyre.

1.4. Në zbatim të detyrimeve të ligjit penal dhe rekomandimeve të akteve të lartpërmendura, për veprat penale me rrezikshmëri të theksuar shoqërore, si për veprat penale kundër jetës së personit, kundër pasurisë, veprën penale të dhunës në familje, ato që lidhen me krimin ekonomik apo abuzimin me detyrën nga zyrtarët shtetërore, veprat penale që lidhen me narkotikët etj, kërkimet e prokurorëve të apelit për masat e sigurimit dhe gjykimet e themelit, kanë qenë në mbështetje të provueshmërisë së akuzave dhe për sanksione të larta dënimi.

1.5. Ndërkohë që në rastet e parashikuara nga ligji dhe kur vendimet e Gjykatës së Apelit kanë qenë të ndryshme nga kërkimet e akuzës, është ushtruar rekurs në Gjykatën e Lartë për çështjet respektive.

1.6. Lidhur me **bashkëpunimin me institucionet e tjera**, gjatë vitit 2020 kanë vijuar raportet korrekte me institucione të tjera, në zbatim të ligjit procedural dhe atij organik për Prokurorinë. Në këto marrëdhënie rolin kryesor e zënë ato që lidhen me :

Gjykatën e Apelit Vlorë, për fazën që lidhet me përfaqësimin e akuzës në gjykimin e çështjeve të ankimuara, si dhe të detyrimeve të përbashkëta administrative për mbarëvajtjen e punës.

Prokuroritë e Rretheve Gjyqësore, që veprojnë në juridiksionin e Apelit Vlorë, për bashkëveprimin në funksion të përfaqësimit sa më të mirë të akuzës në çështjet e ankimuara, veprimtarisë në fushën e ekzekutimit të vendimeve penale dhe detyrimeve të tjera ligjore të prokurorit.

Strukturat e policisë të shtetit dhe institucionet e tjera që përfshijnë shërbime të policisë gjyqësore, për bashkëpunimin në gjykimin e çështjeve të ankimuara dhe zbatimin e urdhërave për ekzekutimin e vendimeve penale.

Me Institucionet e Ekzekutimit të Vendimeve Penale, për fazën e ekzekutimit.

Me Prokurorinë e Përgjithshme, si institucioni që përfaqëson çështjet e rekursuara, si dhe në bashkëpunimin për çështje të tjera të natyrës administrative.

Me institucionet e tjera, në funksion të përmbushjes së detyrimeve ligjore.

1.7. BASHKËPUNIMI ME GJYKATËN E APELIT VLORË

Bashkëpunimi dhe raportet e kësaj zyre me Gjykatën e Apelit Vlorë, kanë qënë korrekte dhe ligjore, në përfaqësimin e akuzës në gjykimet në apel dhe plotësimin e detyrimeve të tjera ligjore. Nga ana e prokuroreve, nisur edhe nga fakti që dy institucionet ndodhen në të njëjtën godinë, është respektuar me korrektesë pjesëmarrja e tyre në kohë në gjykim, ndërkohë që nga ana tjetër edhe nga kolegjet gjyqësore është konstatuar angazhim i plotë për mbarëvajtjen e gjykimeve, respektimin e solemnitetit të tij, ruajtjen e sekretit për vendimet që lidhen me akte të asaj natyre të hetimeve paraprake, procedurat për dërgimin në organet kompetente të vendimeve penale me ekzekutim të menjëhershëm etj.

Po ashtu një vëmendje e posacme i është kushtuar përmbushjes së detyrimeve të përbashkëta ligjore në fushën e administrimit të drejtësisë, sikurse përpyekjet e përbashkëta për rritjen e nivelit të sigurisë në godinë, transparencën ndaj publikut nëpërmjet afishimit paraprakisht të listave të gjykimeve penale në apel etj.

1.8. BASHKËPUNIMI ME PROKURORITË E RRETHEVE GJYQËSORE TË JURIDIKSIONIT TË APELIT VLORË

Edhe gjatë vitit 2020 kanë vijuar raportet e bashkëpunimit me të gjitha Prokuroritë e Rretheve të Juridiksionit të Apelit, për trajtimin e problematikave që hasen në gjykimin e çështjeve të ankimuara, si për qëllime të rritjes së nivelit cilësor të apeliave, shkëmbimit të informacioneve për fazën e çështjeve konkrete, trajtimin juridiko-penal të rasteve të diskutueshme, dërgimit të njoftimeve për fazën e ekzekutimit të vendimeve penale etj.

Në funksion të sa më sipër dëshirojmë të theksojmë praktikën e prokurorisë së Apelit Vlorë që për problematikave të përgjithshme të hasura gjatë gjykimeve në apel, pavarësisht se ato mund të ndeshen në çështje konkrete të rretheve gjyqësore të caktuar, nga kjo zyrë dërgohen materiale përgjithësuëse për të gjitha zyrat e prokurorisë në juridiksionin e apeli, në mënyrë që ato problematika të diskutohen me të gjithë prokurorët.

Ndër rastet e tilla të materialeve me problematika të përgjithshme mund të përmendim ato që tërheqin vëmendjen për respektimin rigoroz të kërkesave të ligjit procedural për formën dhe shkaqet e apeliemeve të prokurorit, ato për domosdoshmërinë e kërimit tekstual të përsëritjes së shqyrtimit gjyqësor në apeliemet kundër vendimeve të Shkallës së Parë të gjyqimit që deklarohen pafajësinë për shkak të mungesës së provave ndaj të pandehurit, ato që kanë të bëjnë me ekzekutimin e vendimeve penale me ekzekutim të menjëhershëm etj.

Përmirësimi të punës në këtë drejtim i shërben edhe praktika e Prokurorisë së Apelit Vlorë, për përpilimin dhe mbajtjen e evidencave mujore të përfaqësimit të çështjeve në Gjykatën e Apelit Vlorë, sipas rretheve përkatëse.

Gjatë kësaj periudhe kemi gjetur mirëkuptimin e plotë të drejtuesve dhe prokurorëve të zyrave përkatëse për përmirësimin e problematikave të hasura, si rritjen e nivelit cilësor të apeliemeve, parashtrimin të të gjitha shkaqeve ligjorë në to, ushtrimin e apeliemeve për masat e sigurimit vetëm për rastet e domosdoshme të hetimit paraprak, përmirësimin e komunikimit dhe njoftimit të zyrave respektive për rrethanat e gjyqimit, në Shkallën e Parë dhe në Apel etj.

1.9. BASHKËPUNIMI ME STRUKTURAT E POLICISË SË SHTETIT.

Raportet me strukturat e policisë së shtetit në drejtoritë vendore të policisë së qarqeve e Vlorë, Fier dhe Berat gjatë vitit 2020 kanë qenë korrekte dhe ato janë shtrirë kryesisht në fushën e njoftimit të palëve në fazën e gjyqimit dhe shkëmbimit të të dhënave që lidhen me fazën e ekzekutimit të vendimeve penale nga prokurorët e apelit, apo në bashkërendimin e veprimeve në funksion të administrimit të drejtësisë.

1.10. BASHKËPUNIMI ME INSTITUCIONET E EKZEKUTIMIT TË VENDIMEVE PENALE.

Raportet me institucionet e ekzekutimit të vendimeve penale Vlorë, Fier dhe Berat, gjatë vitit 2020, kanë qenë bashkëpunuese dhe korrekte dhe ato janë shtrirë në të gjitha aspektet ku ligji e parashikon këtë bashkëpunim, përfshirë atë të njoftimeve, shkëmbimit të informacioneve të nevojshme për çështjet, në fushën e ekzekutimit të vendimeve penale dhe në kompetencë të prokurorëve të apelit, sikurse janë ato për masat e sigurimit apo udhërimet e tjera të gjykatës etj.

1.11. BASHKËPUNIMI ME PROKURORINË E PËRGJITHSHME.

Gjatë vitit 2020 ka vijuar raporti i ngushtë i bashkëpunimit me Prokurorinë e Përgjithshme.

Ky bashkëpunim është shtrirë jo vetëm me Prokurorin e Përgjithshëm dhe Drejtorinë Gjyqësore, për dërgimin e rekurseve dhe informimin nga prokurorët pranë gjykatës së lartë për mënyrën e përfundimit të tyre, apo drejtorinë e marrëdhënieve me jashtë për shkëmbimin e të dhënave në atë fushë, por edhe me të gjitha drejtoritë dhe sektorët e tjerë të Prokurorisë së Përgjithshme.

Pikërisht edhe në saj të këtij bashkëpunimi dhe plotësimit të nevojave administrative nga sektorët e tjerë të prokurorisë së përgjithshme, është bërë e mundur përballimi i një volumi të konsiderueshëm në punë nga Prokuroria e Apelit Vlorë.

Gjatë vitit 2020 ka vijuar praktika e mirë e viteve të mëparshme që rekurset e prokurorëve të apelit, si për masat e sigurimit dhe për vendimet përfundimtare, krahas depozitimit në gjykatë dërgohen paralelisht për njoftim edhe në Prokurorinë e Përgjithshme.

Edhe gjatë vitit 2020 janë respektuar detyrimet e prokurorëve për të zbatuar në kohë dhe me cilësi urdhërat dhe udhëzimet e Prokurorit të Përgjithshëm, lidhur me ushtrimin e funksioneve të prokurorit në apel.

1.12. **BASHKËPUNIMI ME INSTITUCIONET E TJERA.**

Gjatë vitit 2020 është përmbushur në mënyrë korrekte përfaqësimi i prokurorisë së apelit në raport me institucionet e tjera, të nivelit qëndror apo vendor, në zbatim të detyrimeve të ligjit organik për prokurorinë.

2. **ANALIZA E TREGUESVE TË VOLUMIT TË PUNËS.**

Treguesit e volumit të përgjithshëm të punës, të kryer nga prokurorët për vitin 2020, përfshijnë të dhënat për sa më poshtë vijon :

cështjet e reja të filluara dhe të përfunduara gjatë vitit 2020,
cështjet e mbartuara dhe të përfunduara gjatë vitit 2020,
cështjet për veprën penale të dhunës në familje,
cështjet për vepra penale të kryera nga të miturit në konflikt me ligjin.

2.1 Në **total** gjatë vitit 2020, nga prokurorët e apelit është përfaqësuar akuza në cështjet në gjykim pranë gjykatës së Apelit Vlorë, për **1219 cështje** nga të cilat:

291 cështje themeli **gjithsej**, prej të cilave **51 cështje** janë për dhunë **në familje** dhe **8 cështje** janë me të pandehur **të mitur**,

434 cështje (me **525 persona**) të masave të sigurimit,

494 cështje mbi ankime të veçanta, si ankime kundër vendimeve të pushimit apo mosfillimit, të fazës së ekzekutimit të vendimeve penale, marrëdhëniet juridiksionale me jashtë, me të dëmtuar akuzes etj.

116 cështje janë **mbartur** në gjykim për vitin 2021, përfshirë cështje themeli dhe të veçanta, një pjesë e të cilave janë përfunduar në momentin e këtij raportimi.

2.2. Nga këndvështrimi **krahasimor** me volumin e punës të përballuar në vitin **2020**, këto të dhëna rezultojnë disi më të ulëta vetëm në shqyrtimin e cështjeve të themelit në Gjykatën e Apelit Vlorë, sepse është ulur numri i cështjeve të mbartura në gjykim nga vitet paraardhëse, ndërkohë që rezultojnë në një numër më të lartë cështjet lidhur me masat e sigurimit, si dhe në një nivel më të ulët në shqyrtimin e ankimeve për cështje të veçanta.

2.3. Nisur nga volumi i natyrës së cështjeve, faktori kryesor që ndikon në numrin e lartë të cështjeve të veçanta gjatë vitit 2020, është ai që lidhet me shqyrtimin e ankimeve të vendimeve gjyqësore të seancës paraprake, pas ndryshimeve me ligjin nr. 35 / 2017 në kodin e procedurës penale.

2.4. Ndërkohë për vitin **2020** paraqitet dukshëm më i lartë, se viti i kaluar, treguesi i cështjeve të **mbartura** në gjykim (kur ishin 59 të tilla), pavarësisht reduktimit të numrit të gjyqtarëve në apel, ndërkohë që është për t'u theksuar se ky tregues gjithsesi rezultoi i përmirësuar krahasimisht

me vitet paraardhëse, pasi mjafton të kujtojmë që 2-3 vite më pare ky numër ishte mbi **700** çështje të tilla.

2.5. Gjithashtu gjatë vitit 2020, nga prokurorët e apelit janë kryer detyrimet ligjore në fushën e **ekzekutimit të vendimeve** penale, ku janë **136** raste të nxjerrjes së urdhërave të ekzekutimit, që lidhen me vendimet me ekzekutim të menjëhershëm të gjykatës së apelit vlorë, per rastet si në vijim:

26 urdhëra ekzekutimi ndaj personave që u është ndryshuar masa e sigurimit me e butë e caktuar në shkallën e pare, me masën e sigurimit arresti në burg.

89 urdhëra ekzekutimi ndaj personave që u është ndryshuar masa e sigurimit me një masë më të butë nga arresti në burg.

21 urdhëra ekzekutimi ndaj personave që u janë caktuar apo ndryshuar masa të tjera sigurimi nga arresti, si në shkallën e pare dhe në apel.

Numri i urdhërave të ekzekutimit të prokurorëve të apelit gjatë vitit 2020, është disi më i ulet se i atyre të nxjerrë gjatë vitit paraardhës, kur ishin 139 të tillë.

3. ANALIZA E TREGUESVE TË EFEKTIVITETIT TË PUNËS PER ÇËSHTJET E THEMELIT

3.1. Për çështjet e themelit, në total, gjatë vitit 2020 nga prokurorët është përfaqësuar akuza në Gjykatën e Apelit Vlorë per **291 çështje**, me 407 persona të **pandehur**, nga të cilët **249** kanë qenë të **arrestuar** dhe sipas rretheve gjyqësore të dhënat paraqiten si vijon :

- **Vlorë - 101** çështje (prej të cilave **15** çështje të dhunës në familje dhe **8** çështje me të mitur), me **140** të pandehur (16 për dhunë në familje dhe 11 të mitur), prej të cilëve **83** persona të arrestuar (12 për dhunë në familje dhe 8 të mitur).

- **Fier - 112** çështje (prej të cilave **18** çështje të dhunës në familje), me **155** të pandehur (18 për dhunë në familje), prej të cilëve **101** persona të arrestuar (15 per dhunë në familje).

- **Berat - 36** çështje (prej të cilave 5 çështje të dhunës në familje), me **55** të pandehur (5 per dhunë në familje), prej të cilëve **23** persona të arrestuar (2 per dhunë në familje).

- **Lushnjë - 42** çështje (prej të cilave 13 çështje të dhunës në familje), me **57** të pandehur (15 për dhunë në familje), prej të cilëve **42** persona të arrestuar (14 per dhunë në familje).

3.2. Nga numri total i çështjeve të themelit të përfaqësuara në gjykatën e apelit Vlorë dhe që u përmendën hollësisht më sipër, per **62** prej tyre **apelues** kanë qënë Prokuroritë e Shkallës së Pare, kurse për pjesën tjetër apelues kanë qenë të pandehurit, ku sipas rretheve gjyqësorë të dhënat paraqiten si vijon :

Prokuroria e Rrethit Gjyqësor **Vlorë - 19** apelime të prokurorëve (1 për çështje të dhunës në familje).

Prokuroria e Rrethit Gjyqësor **Fier - 26** apelime të prokurorëve (6 per çështje të dhunës në familje).

Prokuroria e Rrethit Gjyqësor **Berat - 13** apelime të prokurorëve (2 per çështje të dhunës në familje).

Prokuroria e Rrethit Gjyqësor **Lushnjë - 4** apelime të prokurorëve .

3.3. Per çështjet ku apelues ka qenë prokurori, të dhënat paraqiten si vijon :

14 apelime të prokurorëve të shkallës së pare, kanë qenë per **pafajësi** ndaj të pandehurve (Vlora - 6, Fieri - 3, Berati - 3, Lushnja 2).

3 apelime të prokurorëve të shkallës së pare, kanë qenë per **pushim** të çeshtjes apo akuzës (Berati 3).

45 apelime të prokurorëve të shkallës së pare, kanë qenë per **lloj apo masë** dënimi të konsideruar të butë (Vlora - 13, prej të cilave 1 dhunë në familje, Fieri - 23, prej të cilave 6 dhunë në familje, Berati -7, prej të cilave 2 dhunë në familje), Lushnja - 2.

3.4. Ndër çeshtjet e apeluara, në **54** raste gjykata e apelit ka vendosur **mospranimin** e apelit, ndër të cilat në **2** raste është hequr dorë nga prokurorët e apelit (që është një numër shumë më i ulët se vitin e kaluar kur ishin 23 të tilla), kurse në **45** raste të tjera është disponuar **nga gjykata** per mosplotësim të shkaqeve formale të apelimit.

3.5. Në gjykimin e çeshtjeve të apeluara, në **161** raste (19 çeshtje të dhunës në familje dhe 6 çeshtje me të mitur), kërkesat e **prokurorit të apelit** kanë qenë per **lënie në fuqi** të vendimit të shkallës së pare, per të cilat Gjykata e Apelit Vlorë ka vendosur si vijon :

ne **113** çeshtje e ka **lënë në fuqi** vendimin (prej të cilave 19 çeshtje të dhunës ne familje dhe 5 çeshtje me të mitur),

në **37** çeshtje e ka ndryshuar vendimin, duke **lehtësuar** pozitën e të pandehurit (prej të cilave 2 çeshtje të dhunës në familje dhe 1 çeshtje me të mitur), në **6** raste e ka prishur vendimin dhe ka **pushuar** çeshtjen,

në **5** raste e ka prishur vendimin dhe ka kthyer çeshtjen per **rigjykim** .

3.6. Në gjykimin e çeshtjeve të apeluara, në **51** raste kërkesat e **prokurorit të apelit** kanë qenë per ndryshim të vendimit të Shkallës së Parë dhe **rëndim** të pozitës së të pandehurit, per të cilat Gjykata e Apelit Vlorë ka vendosur si vijon :

Në **34** çeshtje e ka **lëne në fuqi** vendimin (prej të cilave **4** janë çeshtje të dhunës në familje, 1 çeshtje me të mitur), në **12** çeshtje e ka ndryshuar vendimin duke **rënduar** pozitën e të pandehurit (prej të cilave 2 janë çeshtje të dhunës në familje, 1 çeshtje me të mitur),

Në **5** çeshtje e ka ndryshuar vendimin duke **lehtësuar** pozitën e të pandehurit .

3.7. Në gjykimin e çeshtjeve të apeluara, në **14** raste kërkesat e **prokurorit të apelit** kanë qenë per ndryshim të vendimit të shkallës së pare dhe **lehtësim** të pozitës së të pandehurit , nga të cilat janë **pranuar** kërkesat në **11** raste , janë lëne në fuqi në **1** raste dhe është **pushuar** ështëja në **2** raste nga Gjykata e Apelit Vlorë.

3.8. Në gjykimin e çeshtjeve të apeluara, në **6** raste (prej të cilave 2 çeshtje të dhunës në familje) kërkesat e prokurorit të apelit kanë qenë per ndryshim të vendimit të shkallës së pare dhe **pushim të gjykimit**, kryesisht per rastet e ligjeve per **amnistine**, të viteve të mëparshme, të cilat janë **pranuar** nga gjykata e apelit .

3.9. Në gjykimin e çeshtjeve të apeluara, në **5** raste kërkesat e **prokurorit të apelit** kanë qenë per prishje të vendimit të shkallës së pare dhe rikthim të çeshtjes per **rigjykim**, nga të cilat gjykata e apelit ka vendosur si vijon :

në 1 raste është pranuar kërkesa e prokurorit të apelit për kthim të çështjes për **rigjykim**, në 4 raste është lënë në fuqi vendimi i shkallës së parë të gjyqimit.

3.10. Lidhur me ndarjen e çështjeve të gjykuara në gjykatën e apelit, për **krimet dhe kundravajtjet penale**, të dhënat e vitit 2020 paraqiten si më poshtë :

- për 201 çështje, me 313 të pandehur dhe 203 të arrestuar, apelimet kanë qenë për **krime**.
- për 90 çështje, me 93 të pandehur dhe 47 të arrestuar, apelimet kanë qenë për **kundravajtje penale**.

3.11. Gjatë vitit 2020, prokurorët e apelit kanë ushtruar **rekurs** mbi vendimet për **çështjet e themelit** të gjykatës së apelit në 36 raste, ku sipas rrethëve gjyqësore të dhënat janë si më poshtë

- **15 rekurse** për vendimet e rrethit të **Vlorës** (ku 1 çështje është me të mitur), **11 rekurse** për vendimet e rrethit të **Fierit**, **5 rekurse** për vendimet e rrethit të **Beratit** (ku 1 është për dhunë në familje), **5 rekurse** për vendimet e rrethit të **Lushnjës**.

3.12. Gjatë vitit 2020, prokurorët e apelit kanë ushtruar **rekurs** edhe mbi vendimet për **çështjet e vecanta** të gjykatës së apelit në 12 raste, përfshirë çështje që lidhen me ekzekutimet e vendimeve penale, marrëdhëniet juridiksionale me jashtë, rivendosjet në afat etj.

4. Analiza e treguesve të efektivitetit të punës për çështjet e masave të sigurimit.

4.1. Në gjykimin e masave të sigurimit, **në total** gjatë vitit 2020 nga prokurorët është përfaqësuar akuza në Gjykatën e Apelit Vlorë për **525 persona** (vitin paraardhës ishin 465), ku sipas rrethëve gjyqësore të dhënat paraqiten si në vijim :

150 persona (118 çështje) për masa sigurimi nga Prokuroria e Rrethit **Vlorë**, **223** persona (195 çështje) për masa sigurimi nga Prokuroria e Rrethit **Fier**, **117** persona (90 çështje) për masa sigurimi nga Prokuroria e Rrethit **Berat**, **35** persona (31 çështje) për masa sigurimi nga Prokuroria e Rrethit **Lushnjë**.

4.2. Nga ky numër i çështjeve të përfaqësuara në Gjykatën e Apelit, për **100** prej tyre **apelues** kanë qenë **Prokuroritë** e Shkallës së Parë, kurse për pjesën tjetër apelues kanë qenë të pandehurit, ku sipas rrethëve gjyqësore të dhënat paraqiten si vijon :

- Prokuroria e Rrethit Gjyqësor **Vlorë** - **33** apeline të prokurorëve.
- Prokuroria e Rrethit Gjyqësor **Fier** - **38** apeline të prokurorëve.
- Prokuroria e Rrethit Gjyqësor **Berat** - **27** apeline të prokurorëve.
- Prokuroria e Rrethit Gjyqësor **Lushnjë** - **2** apeline të prokurorëve.

4.3. Në **51** raste të **apelimeve** për masat e sigurimit, gjykata e apelit vlorë ka vendosur **mospranimin** e tyre, ndër të cilat në **15** raste është hequr dorë nga prokurori i apelit (vitin paraardhës ishin 9), ku sipas rrethëve gjyqësore të dhënat paraqiten si vijon :

Prokuroria e Rrethit Gjyqësor **Vlorë** - 19 vendime gjyqësore mospranimi, per 9 prej të cilave është hequr dorë nga prokurori,

Prokuroria e Rrethit Gjyqësor **Fier** - 23 vendime gjyqësore mospranimi, per 2 prej të cilave është hequr dorë nga prokurori,

Prokuroria e Rrethit Gjyqësor **Berat** - 7 vendime gjyqësore mospranimi, per 4 prej të cilave është hequr dorë nga prokurori,

Prokuroria e Rrethit Gjyqësor **Lushnjë** - 2 vendime gjyqësore mospranimi.

4.4. Ne 98 raste te apelimeve per masat e sigurimit (Vlore - 26, Fier - 44, Berat - 24, Lushnje - 4), **Prokurori i Apelit** ka kerkuar **ndryshimin** e vendimit si vijon :

Ne 73 raste (Vlore - 18, Fier - 30, Berat - 23, Lushnje - 2) prokurori i apelit ka kerkuar caktimin e mases se sigurimit **arrest ne burg**, sipas apelimit te prokurorit të Shkallës së Parë,

Ne 25 raste (Vlore - 8, Fier - 14, Berat - 1, Lushnje - 2) prokurori i apelit ka kerkuar caktimin e masave te sigurimit me te buta nga vendimi i Shkallës së Parë.

4.5. Per kete kerkim te prokurorit te apelit, **Gjykata e Apelit Vlore** ka **vendosur** si vijon :

Ne 26 raste (Vlore - 7, Fier - 7, Berat - 11, Lushnje - 1) ka caktuar masen e sigurimit **arrest në burg**, sipas apelimit te prokurorit të Shkallës së Parë,

Ne 22 raste (Vlore - 7, Fier - 12, Berat - 1, Lushnje - 2) ka caktuar masa sigurimi me te **buta** nga vendimi i Shkallës së Parë.

Ne 50 raste (Vlore - 12, Fier - 25, Berat - 12, Lushnje - 1) ka **lënë në fuqi** vendimin e Shkallës së Parë.

4.6 Ne 285 raste (Vlore - 73, Fier - 128, Berat - 59, Lushnje - 25), kryesisht per ankime te te hetuarve, **prokurori** ka kerkuar **lënien në fuqi** te vendimit të Shkallës së Parë.

4.7. Per kete kerkim te prokurorit te apelit, **Gjykata e Apelit Vlore** ka **vendosur** si vijon :

Ne 240 raste (Vlore - 62, Fier - 106, Berat - 50, Lushnje - 22) ka **lënë në fuqi** vendimin e Shkallës së Parë

Ne 44 raste (Vlore - 11, Fier - 21, Berat - 9, Lushnje - 3) ka caktuar masa sigurimi më të **buta** nga vendimi i Shkallës së Parë.

Ndërkohë ka patur 1 rast të shfuqizimit të vendimin të Shkallës së Parë Fier.

4.8. Për 22 çështje që lidhen me **masat e sigurimit**, prokurorët e apelit kanë ushtruar te drejtën

e **rekursit** në Gjykatën e Lartë, ku sipas rretheve gjyqësore te dhenat paraqiten si vijon :

8 rekurse per vendime qe lidhen me çeshtje te rrethit **Vlore**,

7 rekurse per vendime qe lidhen me çeshtje te rrethit **Fier**,

5 rekurse per vendime qe lidhen me çeshtje te rrethit **Berat**,

2 rekurse per vendime qe lidhen me çeshtje te rrethit **Lushnjë**.

5. TË DHËNAT MBI NGARKESËN E PUNËS PËR ÇDO PROKUROR

Gjate vitit 2020 ngarkesa e punës për çdo prokuror ka qënë në nivele më të larta se viti i kaluar, tregues në të cilin ka ndikuar edhe pakësimi i numrit të prokurorëve të zyrës për shkak të largimit të nje detyre tjeter te nje prokurori.

Ndërkohë ngarkesa midis prokurorëve është në nivele të përafërta, që është tregues i një organizimi të mirë të brendshëm të punës dhe që përbën përmbushje të detyrimit ligjor për ndarjen e barabartë të punës në prokurori.

Përjashtim nga sa më sipër përbën zv/drejtuesi i zyrës, i cili përfaqëson akuzën në gjykimet e të miturve, si dhe ngarkesa e drejtuesit të prokurorisë, i cili në përmbushje edhe të detyrimeve të tjera ligjore ka patur ngarkesë disi më të ulët.

Të dhënat mbi ngarkesën e punës për çdo prokuror, ku përfshihet edhe përfundimi i çështjeve të mbartura nga vitit 2020, në përfaqësimin e çështjeve të ndryshme në gjykatën e apelit vlorë për vitin 2020, paraqiten si në vijim.

5.1. Prokurori **Enrik Haxhiraj**, i ngarkuar me detyrën e zv/drejtuesit të zyrës dhe i caktuar të përfaqësojë akuzën edhe në seksionin për të miturit :

49 përfaqësime për çështje **themeli** (kanë mbetur pa përfunduar duke u mbartur 18 çështje për vitin 2021) dhe ka ushtruar **rekurs për 11** prej tyre,

131 përfaqësime për çështje të **veçanta** .

88 përfaqësime për **masat e sigurimit**, ka ushtruar **rekurs për 2** prej tyre,

Ka nxjerrë **25 urdhëra ekzekutimi** për vendimet gjyqësore.

5.2. Prokurori **Pelivan Malaj** :

114 përfaqësime të akuzës për çështje **themeli** (kanë mbetur pa përfunduar duke u mbartur 18 çështje për vitin 2021) dhe ka ushtruar **rekurs për 4** prej tyre,

163 përfaqësime për çështje të **veçanta** (kanë mbetur pa përfunduar duke u mbartur 23 çështje për vitin 2021) dhe ka ushtruar **rekurs për 7** prej tyre,

127 përfaqësime për **masat e sigurimit**, ka ushtruar **rekurs për 7** prej tyre,

Ka nxjerrë **47 urdhëra ekzekutimi** për vendimet gjyqësore.

5.3. Prokurori **Kleanth Zeka** :

88 përfaqësime të akuzës për çështje **themeli** (kanë mbetur pa përfunduar duke u mbartur 32 çështje për vitin 2021) dhe ka ushtruar **rekurs për 15** prej tyre.

156 përfaqësime për çështje të **veçanta** (kanë mbetur pa përfunduar duke u mbartur 25 çështje për vitin 2021) dhe ka ushtruar **rekurs për 4** prej tyre.

100 përfaqësime për **masat e sigurimit**, ka ushtruar **rekurs për 8** prej tyre.

Ka nxjerrë **19 urdhëra ekzekutimi** për vendimet gjyqësore.

5.4. Prokurori **Altin Binaj** :

40 përfaqësime të akuzës për çështje **themeli** dhe ka ushtruar **rekurs për 6** prej tyre.

44 përfaqësime për çështje të **veçanta** , ka ushtruar **rekurs në 1** prej tyre.

119 përfaqësime për **masat e sigurimit**, ka ushtruar **rekurs për 5** prej tyre.

Ka nxjerrë **45 urdhëra ekzekutimi** për vendimet gjyqësore.

6. INFORMACION MBI ADMINISTRIMIN E PROKURORISË.

Gjatë vitit 2020 edhe personeli administrativ i kësaj zyre, ndonëse i kufizuar numerikisht, e ka kryer me korrektesë detyrën e vet duke qenë mbështetje për prokurorët në përballimin e kësaj ngarkese në punë.

Në këtë drejtim është për tu theksuar vecanërisht puna e kryer nga kryesekretarja e kësaj zyre, e cila në mungesë të organikës kryen edhe detyrën e financës dhe të arkivës.

Prej vitit 2019 në organikën e Prokurorisë së Apelit Vlorë është shtuar funksioni i sekretares pranë prokurorëve, por në vlerësimin tonë është e domosdoshme që, në vijim, organika të parashikojë edhe funksionet e oficerit të policisë gjyqësore, për përmbushjen më me efikasitet të detyrimeve ligjore kruesisht në fushën e ekzekutimit të vendimeve penale.

Gjatë vitit 2020, buxheti financiar i kesaj zyre eshte administruar me korrektesë dhe rigorozitet.

Si pasoje e disipline financiare dhe ndihmes gjithëvjetore nga prokuroria e pergjithshme, nga ana e kesaj prokurorie buxheti është realizuar thuajse 100% dhe jane likuiduar të gjitha detyrimet ndaj subjekteve të tjerë dhe personelit.

Po ashtu jane mbajtur të gjithë regjistrat financiarë, sipas detyrimeve ligjore dhe udhezimeve të prokurorisë së pergjithshme dhe ministrisë së financave, ndërkohë që funksionimi i cams ende nuk është implementuar pranë kësaj zyre.

Gjatë vitit 2020 respektimi i disiplinës në punë dhe etikës është mbikqyrur nga drejtuesi i kësaj zyre dhe nuk janë hasur problematika në këtë drejtim.

7. OBJEKTIVAT PER VITIN 2021.

- Nga analiza në tërësi e treguesve që u përmendën më sipër, për vitin 2021 prioritetet kryesore të Prokurorisë së Apelit Vlorë do të jenë si në vijim :
- Përfundimi sa më parë i të gjitha çështjeve penale të mbartura në gjykim.
- Vazhdimi i ndjekjes me përparësi të përfaqësimit të akuzës në çështjet e ankimuara që janë në fokus të rezolutës së Kuvendit të Shqipërisë dhe planit të veprimit në zbatim të saj, rekomandimeve të Këshillit të Ministrave dhe urdhërave e udhezimeve të Prokurorit të Përgjithshëm, sidomos ato që lidhen me krimet kundër jetës të kryera me dashje, ato në fushën e krimit ekonomik dhe korrupsionit, kundër rendit e sigurisë publike dhe trafikëve të të gjitha llojeve, veprat penale kundër drejtësisë, ato që çënojnë sistemin demokratik të zgjedhjeve etj.
- Rritjen e nivelit cilësor të përfaqësimit të akuzës në Apel.

- Rritjen e nivelit cilësor të rekurseve në Gjykatën e Lartë.
- Konsolidimi i mëtejshëm i bashkëpunimit shumë të mirë me prokuroritë e rretheve gjyqësore, me strukturat e policisë së shtetit , me Prokurorinë e Përgjithshme dhe me K.L.P, pikërisht në funksion të rritjes së cilësisë së përfaqësimit të akuzës në Apel.
- Respektimi nga prokurorët i detyrimeve të ligjit procedural penal, ligjit organik të Prokurorisë dhe urdhërave e udhëzimeve të Prokurorit të Përgjithshëm.
- Ruajtjen e figurës së pastër të prokurorëve dhe respektimin prej tyre të normave të solemnitetit në gjykim, etikës dhe të sjelljes së denjë në publik.

DREJTUESI I PROKURORISË

Erion CELA

